

Stadtarchiv Leutkirch

Ratsprotokoll 1636 (Inv.Nr.31a)

pag.100 Zinstags den 29. Aprilis ao. 1636.

Hr. Jos Hünlin Clagt vf Leonhardt Rauchen, dessen Brudern Hansen Rauchen Er Hünlin ao. 1625. fl 50. gelihen, wiewol nun besagter hanß vor seinem Vatter gestorben, sey doch der Vatter ihme ein heurathgut schuldig gewesen, darauff bitt Er, woll mann ihme Leonhardten dahin halten, des Hansen Heurathguth ihme zubezahlen.

BeClagter Leonhardt Rauch hatt dargegen Eingewendt, hoffe da nichts schuldig zu sein, dann sein Vatter see: hab weder Jhme noch seiner Schwester Keinem Kein Heurathgut gegeben.

Weil nun Hr. Balthaß Rauh in senatu Aufgestanden vnnd solches beiahet, mann Aber doch nit gern Einen Entlichen Beschaid in der sach geben wollen, Alß hat mann beede getheil mit etwaß beweglichen zuesprechen zu gütlichem vergleich gewisen.

pag.103.

Leonhardt Rauch Vhrmacher, Alß welcher sein Burgerrecht verheurathet, hat vmb ertheilung Eines Ehrlichen geburts= vnnd freybriefs Angehalten, der ist ihme gegen von sich gebung Eines Reuers bewilligt worden.

Ratsprotokoll 1637 (Inv.Nr.31)

pag.121 Freytags den 17. Julij ao. 1637.

Leonhard Rhaw großVhrmacher gewester hiesiger, Aber vorm Jar resignirter burger hat vmb den Freysitz für sich, auch sein weib vnd Kind Angehalten, deme hat man willfahrt vf sein wolhalten, vnnd mit der condition, daß Er gemeine beschwerden, doch leidenlicher massen, Auch mitzutragen schuldig vnnd verbunden sein solle.

Ratsprotokoll 1639 (Inv.Nr.33)

pag.38 Zinstags den 1. Februarij ao. 1639.

Leonhard Rhaw hat vmb nochmalige confirmation deß Jhme hiebeuor Vergonten Reysitzes Angehalten. Die ist bewilligt, vnnd Jhme 6.kr. Anlag vfgelegt worden. Hierbey ist Zu merckhen, das Balthaß vnnd Leonhard die Rhawen, Ein Kampftrath in die Schällingsmühle schuldig.